



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fragstück Des Christlichen Glaubens/ an die neue Sectische Predigkandten

Hay, John

Freyburg in der Eydgnoschaft, 1587

VD16 H 844

Die 119. Frag.

urn:nbn:de:hbz:466:1-32773

Die 117. Frag.

Was ist die vrsach wann ihr euch mit einem Gelehrten zu Disputieren einlasset/ das ihr für vnd für Schließflucken süchet/oder gezwungen seindt/ vil vngereimts vnnnd falsches zugestatten vnd zubekennen?

Die 118. Frag.

Sermag dann auch die Euangelische Wahrheit/ das ihr in Historien entweder die alten Geschichten verkehrt/ wie euwer Magdenburgische Centuriatores gethan/ oder die löblichen Exempel der alten Christenheit verfälschet/ wie Sebastian Franck gethan / oder die neuwen Geschichten jekziger zeit mit vntreu erzählt/ wie Schleydanus vnd Junck gethan haben/ oder sonst den alten vnd neuwen Historien mit List allen Catholischen verstandt nemment vnd verduncklet / wie bey euwern andern zusehen ist/ Dann ob schon der gemeyne Mann solches nicht mercket/ so wirt es doch von den Erfahrenen vñ Gelehrten vilfältig entdeckt.

Die 119. Frag.

Christus der Heylandt/ hat ein beständige Lehr gepflantz/ wie kompts aber/ das ihr in euwrer Lehr vnd Predig so vnbeständig seindt/ also das auch Luther sechs vnd dreyßigmal sein Meynung von der Communion vnder einer oder beyden Gestalten hat geändert/ vnd anderst angeben / ohn das er in andern Articeln gleichsam so wanckelmütig ist gewesen. So hat Melanthon bis auff vierzehnenmal von der Rechtfertigung anderst vnnnd vngleich gelehrt. Wann weyß auch wol das Bucerus etwann zu Straßburg selbs widerredet hat/ auff der Cangel was er vor etlichen Wochen hat geprediget vnnnd es hiermit versprochen / er hätte zuvor die Schrift noch nicht auff das fleißigst erwegen. Ich gib jek allen Liebhabern der Wahrheit zubedencken / was sich mit dem gemeynen Hauffen der Predigkandten verlauffe / wie vngleich er mit dem andern/ vnd ihm selbs offte zuwider lehre.

Die